

# BYAKWEGA BYA MU

## BBAIBBULI

Bimwei ku bintu bihandu bya Bakuristaayo  
beikirizamwo



©



*... A library in every language!*

ISBN: 9970-719-22-9

Lugungu

Scripture Impact



Bikorwa bya Bakwenda 10:42; 17:30-31; 2 Basosolonika 1:3-12). Babwo bantu bamaari kadei kutunga mananu ga Yesu, babbe batatiro nti, tibakwiza kujunaanwa, kyonkei bakwiza kutunga bwomi bwa biro na biro (2 Bakolinso 5:10; 1 Basosolonika 4:13-18; 1 Yohaana 4:15-18). Beitu, bikorwa byabu bilibanza kucwerwa musangu (1 Bakolinso 3:11-15). Babiibi (babwo bantu batalibba batungiri mananu ga Yesu), bakwiza kutunga kifubiro kya kuwonawona kwa biro na biro (Kuwonekerwa kwa Yohaana 20:11-15).

Mu biro bya kumaliira, bantu bakwiza kwetwala kubba na bwa Ruhanga, kyonkei batakutinjira kimwei Ruhanga, beimi kandi ba bwemi (1 Timiteo 4:1-2; 2 Timiteo 3:1-9). Hakwiza kubhaho begesa banene ba bugobya kandi bantu banene bakwiza kuhabisiwa. Bugobya bukwiiza kukanya kandi hakwiza kubhaho malemu, nzala, na bwire buzubu. Babwo balilindira, nibe esiga mananu ga bwa Ruhanga mu bubwire bwa bizubu, balijunwa (Matayo 24:3-14; 2 Basosolonika 2:1-17). Yesu kukerekereerwa kwetanga, akwendya bantu banene basangwe begwiri Makuru Garungi kandi bajunirwe (2 Peetero 3:3-15).

**BYAKWEGA BYA MU BBAIBBULI**  
***Bimwei ku bintu bihandu bya Bakurisitaayo***  
***beikirizamwo***

**Teachings from the Bible**  
***Some important things that Christians believe***

Translated by: Businge Makolome Robert

Lugungu

Trial Edition, 2007 (300)  
First Edition, revised  
September, 2011  
1500 copies

ISBN: 9970-719-22-9

Produced in cooperation with:

© Lugungu Bible Translation & Literacy Association  
Buliisa, Uganda

and

© SIL International  
P.O. Box 750  
Entebbe, Uganda

*Permission is granted for non-profit reproduction of this material in local languages only.*

### **Acknowledgements**

Illustrations by: Tim Holden, BTL, Kenya © (God, Trinity, Salvation, Sanctification, Communion, Prayer, Marriage, Heaven, Hell, Satan, End Times);

Illustrations by: Mbanji Ernest Bawe, Cameroon © (God the Father, Sin);

Illustrations by: © New Tribes Mission 1989, 1990 1991 1000 East 1st St. Sanford, FL 32771- 1487 (cover, God the Son, Baptism);

Illustrations by: Copyright © Language Recordings Inc (Australia) (Holy Spirit, Salvation, Other Religions);


Illustrations by: International Illustrations © (Bible);

Illustrations by: Louis Gull. BTL, Kenya © (church).

All illustrations used with permission.

Original text developed by the

BTL Language Programmes Department, Kenya, 1998 ©



Nsi gitulimwo deeru lili, tigikwiza kwicala nigili yaati mpaka biro na biro. Gyalı ntandiko gyagyo, ha Ruhanga yaagihangiiri (Kubanza 1), nahaɓwakikyo, de gili na mmaliira gyagyo (Kuwonekerwa kwa Yohaana 21:1).

Kiro kimwei, Yesu akwiza kwetanga atwale bantu bamwikirizamwo kwicala nayo haɓwa biro na biro. Bantu baɓwo, balibba baɓwo bensei balisangwa bakwiri ha bwire buɓwo, na balibba nibacakali boomi (1 Basosoloniika 4:13-5:11). Tihaloho muntu yeegiri kiro kya Yesu alyetangiramwo (Matayo 24:36; Bikorwa bya Bakwenda 1:6-7), kyonkei tulinakwicala tweteekaniize aleke kiro akwetanga, atwagye nitukukora biyendya (Matayo 24:42-25:13; Marako 13:32-37; Luuka 12:35-40; 21:34-36).

Heinyuma gya kwetanga kwamwe, Yesu akwiza kucwera bantu bensei musangu (Danieri 12:1-2; Matayo 25:31-46;

mihanda mindi mikutwala hali Ruhanga, zili za hugobya.  
Buli muntu akusemeera kwetegereza Makuru Garungi  
gakukwatagana na Yesu Kurisito, aleke yeecweremwo  
hakati wa kwikiririza mu Yesu Kurisito, na kukwata  
muhanda gwamwe gundi (Matayo 7:13-14).

Bbaibbuli de gitwegesya nti, mu maramizo, halibbamwo  
beegesa ba hugobya na baraguri ba hugobya (1 Timiteo  
4:1; 2 Timiteo 4:3; 2 Peetero 2:2). Nahabwakikyo,  
tulinakwegyendereza hoj kwenoonereerya bya bantu  
bakwegesya (1 Yohaana 4:1-3) mwa kugumya nti  
bakwegesya kwo mali njiri gya mananu hatali njiri gya  
hugobya (Baruumi 16:17-20; Bagaratiya 1:6-9; 2 Bakolinso  
11:1-4,13-15).

**Mmaliira gya nsi (Biro bya kumaliira/Bwire  
bwa mmaliira)**

## BANZA OSOME BIBI!

Kitabbu kiki kikwolokya mu hwih bimwe ha bya kwegu bihandu bya Bbaibbuli.

Kwongera hali bili mu kitabbu kiki, Bbaibbuli gyegesya bintu bindi binene (kandi titusobora kubimalayo byense), kyonkei bili mumu bili bimwe ku nsonga zihandu na mananu bya Bbaibbuli gyegesya. Buli muntu asemereeri yeesomere Bbaibbuli yankei kandi agyenooneereye kurungi mwa kwetegereza mananu gaamwona. Kibba kirungi kusoma gyo Bbaibbuli gyonyini kukira kusoma bitabbu nka bibi bikugibazaho. Osemereeri kwicala nosoma Bbaibbuli aleke weege nti, bya bitabbu bindi bibikukoba ku Bbaibbuli bili bya mananu. Kikwenihiziwa nti, Bakurisitaayo bensei mu nzikiriza zaabu na bawo batali Bakurisitaayo, bakwiza kusoma kitabbu kiki kandi banooneereye Byahandiikiirwe bikuragiirwangamwo mwomwo basobore kwetegereza mananu kandi basobore kujunwa kuruga mu nzegegya gya hugobya na huteetegereza. Luuka 24:25

Kitabbu kiki kikusobora kusomwa muntu omweji rundi kitebe kya bantu banene. Kukisoma na kukiyooneereya kurungi, osemereeri okisome Bbaibbuli nigikuli heehi. Kandi otakabbeeri kusoma Bbaibbuli, kibba kirungi kubanza kusaba Ruhanga akukoonyere kwetegereza kyani kigikumanyisa.

**Waakabba nokusoma kitabbu kiki na nkaara za Bbaibbuli zikuragirwanga kusomwa, tukukuha magezi nti okorenge yati: (1) Banza osabe Ruhanga kandi osabe Mwozo Mutongoole wa Ruhanga abbe Mwegesa waamu kandi akulinde habwa hutahugutana. (2) Ku buli likali isomo, soma bikakalimwo byensei habwa mirundi mibiri mwa kutunga nsonga zihandu zinyakulimwo. Bibi obikore otakabbeeri kuwula Bbaibbuli gyamu kuwona nkaara zikuragirwa kusomwa. (3) Nahaahwo, hunya osomemwo isomo lyolyo mpula-mpula. Ku murundi gugu, waakabanga**


Bakurisitaayo titukusemeera kutiina Sitaani, habwakubba tukyegiri nti, Ruhanga akutulinda aloho – Yesu yaasingiri Sitaani (Luuka 10:18-20; Yohaana 16:11; Kuwonekerwa kwa Yohaana 12:10-12; 20:10). Sitaani, na bawo bensei bamuhondera, Ruhanga abateekanirize kuzumu (*Danjeri 12:1-2; Matayo 25:41*). Kwikiririza mu Yesu kusa, kwokwo kukusobora kujuna muntu kuruga hali maani ga Sitaani rundi kuruga mu bukama hwa Sitaani, kukamwira mu Bukama hwa Ruhanga (Bikorwa bya Bakwenda 26:18; Beefeeso 2:1-2; Bakolosaayi 1:13).

## Nzikiriza zindi za Bukurisiko



Bbaibbuli gitwegesya nti, heicalaho mulingo gumweji gusa gwa muntu kujunwa, Ruhanga akamuganyira bibi byamwe, mwomwo yogwo muntu akasobora kutunga hwomi hwa biro na biro mwiguru. Muhanda gugwo, gwogwo gwa kuraba mu Yesu Kurisiko - Mwana wa Ruhanga (Yohaana 10:7-9; 11:25-26). Mu Yohaana 14:6, Yesu yaakobiri, “Ndi muhanda, mananu, na hwomi. Tihaloho muntu yeesumira Bbaabba, otoiho arabiri mu giya.” Kitabbu kya Bikorwa bya Bakwenda 4:12 kikoba “Tolyagya kujunwa mu muntu wondi yensei. Nahabwakikyo, tihaloho muntu wondi yensei (otoiho Yesu musa), wa Ruhanga giyaatuheeri akusobora kutujuna.” Nahabwakikyo, nzikiriza zindi zikwegesya

bakwiza kwetegereza kuwonawona kwodi kukobiri kamwei habwa biro na biro. Kandi, tibalibba na kuumwula kwensei (Matayo 22:13; 25:30; Marako 9:43,47-48; Kuwonekerwa kwa Yohaana 14:11; 20:10).



## Sitaani

Bbaibbuli gitwegesya nti, heicalaho muhandu omwei wa mizumu myensei, yeetwa Sitaani (Marako 3:22-23). Mu kutandika, Sitaani yaahangiirwe nka omwei ku bamalaika

bahandu. Kyonkei, yaamaliriiri abbeeri wa myepanku, yaajeemera Ruhanga. Nahabwakikyo, yaabingiirwe kuruga mu kitebe kya bamalaika baheereza Ruhanga. Kandi, bamalaika bandi bensei banyakubba bahondeeri Sitaani nka muhandu waabu, boodede baakasukiirwe kuruga mwiguru (Luuka 10:18; 1 Timiteo 3:6; Kuwonekerwa kwa Yohaana 12:3-4,7-9). Mu nsi gigi, eicala Sitaani yooyo atuga bakama ba hugobya. Na bibazwa hali mukama wa Bbabilooni, (Isaaya 14:12-14) na wa Tuuro, (zeekeeri 28:11-19) de bitusoboora makuru ga Sitaani waanyini.

Sitaani yoohya bantu batagondera Ruhanga, kandi, bakore bibi (Luuka 4:1-13; 1 Bakolinso 7:5). Sitaani eicala mugobya kandi ageryaho hoj kugobya bantu (Yohaana 8:44; Bikorwa bya Bakwenda 5:3; 2 Bakolinso 11:14; Kuwonekerwa kwa Yohaana 12:9). Mu nsi gigi, aha bintu binene bya hugobya kukorwa hali bantu. Beitu,

odoori ku kicweka kiragiirwe kusomwa mu Bbaibbuli, nogibuula Bbaibbuli gyamu, kicweka kikyoko nokisoma kurungi na bwegyendereza kandi nokyenooneereya kurungi kwegya kikyani kya Bbaibbuli gikukibazaho. Beiraba kicweka kikyoko kisome noli oteekeeni kurungi – oteirukiriirya. Haakabba nihaloho Bbaibbuli gya lukobo lwamu lunyakukubyala rundi nihaloho bimwei ha bitabbu bya Bbaibbuli bihinduliirwe mu lukobo lwamu, kili kirungi okoresye gyogyo gya lukobo lwamu kusoma kicweka kikyoko. (4) Mu kumaliira, bunja osomemwo isomo lilyo lyensei mwa kutunga nsonga zihandu zikwegesebwa. Kikwetaagisya kwahi ha murundi gugu, kubunja kusomamwo nkaara za mu Bbaibbuli.

### READ THIS FIRST!

This book briefly shows some of the important teachings of the Bible.

The Bible teaches many other things (and we could never exhaust them), but these are some of the most important truths and ideas which the Bible teaches. Every person should read and study the Bible themselves to understand these truths. It is better to read the Bible than to read books like this about the Bible. You should always read the Bible to make sure other books are saying what is true.

It is hoped that Christians from all denominations as well as non-Christians will read this book and study the Scriptures given in brackets in order to come to an understanding of the Truth and be set free from false ideas and misunderstandings. Luke 24: 25. This book can be read and studied along with the Bible in groups or by individuals.

When you read this book and study the Bible verses, we suggest you do like this: (1) Pray to God and ask the Holy Spirit to be your Teacher and to guard you from confusion. (2) For each topic or section, read the text of the entire section through 2 times in order to get the main ideas, but do not yet look up the Bible verses. (3) Then go back and read the words again slowly. When you come to a Bible verse, look it up, read it carefully and study it to see what the Bible says about it. Take your time in doing this. If the Bible or parts of it have been translated into your own language, it is best to look up the verse in your own translation. (4) Finally, read the whole section of this book again to get the main ideas being taught. You don't need to read the Bible verses this time.

## Mitwe minyakulimwo

|                                   | Page |
|-----------------------------------|------|
| 1. Ruhanga                        | 1    |
| 2. Ruhanga mu busatu              | 2    |
| 3. Ruhanga Bbaawetu               | 4    |
| 4. Ruhanga Mwana                  | 5    |
| 5. Mwozo Mutongoole wa Ruhanga    | 9    |
| 6. Bbaibbuli                      | 12   |
| 7. Bantu                          | 15   |
| 8. Kibi                           | 15   |
| 9. Kujunwa                        | 17   |
| 10. Kutongoolwa                   | 20   |
| 11. Kubatiza                      | 22   |
| 12. Kwira ha meeza gitongoole     | 23   |
| 13. Kusaba                        | 24   |
| 14. Kitebe kya Bakurisitaayo      | 26   |
| 15. Kuswerangana                  | 29   |
| 16. Iguru                         | 30   |
| 17. Kuhombooka kwa bakuu          | 31   |
| 18. Geehena                       | 33   |
| 19. Sitaani                       | 34   |
| 20. Nzikiriza zindi za Bukurisito | 35   |
| 21. Mmaliira gya nsi              | 36   |

Ruhanga giyaahangiri, tugira mibiri. Beitu kandi, butulimala kuhombooka, mibiri myetu milibba nka mya Kurisito (1 Bakolinso 45-49). Mibiri myetu haha ku nsi, miicala mibiri mikubbola. Mibiri myetu mitukwiza kuhombooka namyo nka kumitakwiza kukwa na kubbola, milyolokya Yesu nka kuyaasingwiri kibi na lukuu (1 Bakolinso 15: 53-56).

### **Geehena (kiikaru kya kufubirwa kwa biro na biro)**

Bbaibbuli gitwegesya nti, yogwo yensei ateikiririza mu Yesu Kurisito, kandi de akabula kumuhondera, akwiza kugyenda mu kiikaru kyetwa kuzumu. Mu kiikaru kikyoo, hoocho bantu balyega kiniga kya Ruhanga nka kukiisana. Kandi hoocho de, balitunga kufubirwa kwa biro na biro habwa bibi byabu (Matayo 25:46; 2Basosolonika 1:8-9; Kuwonekerwa kwa Yohaana 14:6-12).



Bbaibbuli gisoboora makuru ga kuzumu mu milingo minene mikwahukana. Kyakuwoneraho: mworo gwa biro na biro (Matayo 25:41), ntiti gyodi gikobiri kamwei (2Peetero 2:17), itaka lya mworo (Kuwonekerwa kwa Yohaana 20:14-15). Babwo ba Ruhanga alisindikayo,



Heinyuma gya kwiza kwa kabiri kwa Kurisito, bantu bakumwikirizamwo bakwiza kuhombooka (1 Basosoloniika 4:13-17; 1 Bakolinso 15: 23). Kukwo kuhombooka kwa Yesu kunyakubanza, kwicala kyakuwoneraho kiragiira bantu bensei beikiririza mu Kurisito nka kubakwiza kuhombooka (1 Bakolinso 15:20-23). Mu Biragiyo bya kubanza bya Ruhanga biyaaheeri Musa, magesa ga kubanza baagaleetengi mu Yeekaru – Nyumba Gya Ruhanga nikuli nka kumusiima Ruhanga habwa kuha bidyo byabu kwera (Baleevi. 23:10-11). Heinyuma gya magesa ga kubanza, haabbengihooona magesa gandi ganyakuhonderangaho. Nka kuhataabbengiho murwa gundi gwenseenya mu magesa gagwo, mu mulingo gwogwo gumwei, kuhombooka kwa Kurisito kuyaahombookiri, kuragiira kuhombooka kwa bantu bandi bensei bamwikirizamwo kukugyenda kubbaho mu biro bya mu meiso (Bakolosaayi 1:15,18; Kuwonekerwa kwa Yohaana. 1:5).

Bantu beikiririza mu Kurisito Yesu hubalihombooka nibakatunga bwomi buhyaka, balilwala mibiri mihyaka (1 Bakolinso 15:44). Mimyo mibiri milibba mitacakali mibiri mikubbola, milibba mibiri mya kitiinisa (1 Bakolinso 15:42-44,52-53). Mibiri myetu mituli namyo hataati, timili myomyo mibiri mitukwiza kuhombooka namyo, nka muntu bwasiimba nsigo nigimera niharugamwo kimera kirungi (1 Bakolinso 15: 37-41). Beitu kandi, mibiri mihyaka mya beikiriza ba Yesu, mikwiza kubba nimikwisansana mubiri gwa Kurisito guyaagyendiri nagwo mwiguru (1 Bakolinso 15:49). Twenseenya, nk'Adamu, muntu waakubanza wa

## Ruhanga

Bbaibbuli gitwegesya nti, heicalaho Ruhanga omwei musa (Kyabiragiyo 4:35,39, 6:4; Zabbuli 86:10; Isaaya 46:9; 1 Bakolinso 8:4; Bagaratiya 3:20).



Ruhanga yooyo Mwozo Mutongoole (Yohaana 4:24). Tihakabbangaho muntu yensei munyakuwonaho Ruhanga (Yohaana 1:18). Ruhanga yooyo munyakuhanga nsi gyensei, iyoba, na nzota. Kandi de, yaahanga bimera, bisolo, na bantu. Yaahangiri buli kintu kitukawona na bibyo bitutawona (Kubanza 1-2; Bikorwa bya Bakwenda 17:24-26). Ruhanga eicalaho biro na biro – yeiceeriho, aloho, kandi ali waakwicalaho biro na biro (1 Timiteo 1:17; Kuwonekerwa kwa Yohaana 1:4).


Ruhanga eicala Mutongoole kandi tagira kibi kyensei (Isaaya 6:3; 1 Peetero 1:15-16). Ruhanga eicala kyererezi kandi muyo, tiheicalamwo ntiti gyensei (1 Yohaana 1:5). Ruhanga anoba kibi habwakubba yo, takigira (Nfumu 6:16-19; Zakaliya 8:17) kandi akwiza kucwera musangu yogwo mubiibi munyakusuula kweziramwo (Yohaana 3:36; Baruumi 1:18-19). Buli hensei, Ruhanga aliyo kandi awona buli kikakali kintu (Yeremiya 23:23-24). Tihaloho muntu akusobora kwebisa hali Ruhanga (Zabbuli 139:7,12; Bahebburaniya 4:13). Ruhanga ali na busobozi bwensei kandi akusobora kukora kintu kyensei kyakendeerye. Tihaloho muntu ali na busobozi bukukira bwa Ruhanga

(Yeremiya 32:17,27; Matayo 19:26; Luuka 1:35-37; Kuwonekerwa kwa Yohaana 11:17). Ruhanga yeega kintu kikugyenda kukorwa kitakabbeeru na kukorwa (Isaaya 48:3,5). Ruhanga acwera bantu musangu na hwinganiza (Zabbuli 98:9; Yohaana 5:26-27, 30; 1 Peetero 1:17; Kuwonekerwa kwa Yohaana 20:11-15).

Ruhanga eicala wa magezi kukira huli muntu yensei (1Bakolinso 1:25; 2:6-11). Tihaloho muntu akusobora kwetegereza Ruhanga akamumalayo (Kyabiragiro 29:29; Isaaya 55:8-9; Baruumi 11:33-34). Ruhanga yeegiri huli kintu (1 Yohaana 3:19-20; Kuwonekerwa kwa Yohaana 2:23). Ruhanga eicala mugumisirizi (Kuruga 34:6,7; Baruumi 4:4; 2 Peetero 3:9). Ruhanga tahinduka mu hhangwa hwanwe (Kubala 23:19; Maraki 3:6; Bahebburaniya 13:8; Yakobbo 1:17). Tihaloho muntu wondi yensei eicala nka Ruhanga (2Samwiri 7:22; 1 Byamubusinge 17:20; Isaaya 40:13-25; Yeremiya 10:6-7). Ruhanga agonza bantu baamwe bayaahangiri, kandi yendya boodede bamugonze kandi bamuramyenge (Kyabiragiro 6:13; 33:3; Matayo 22:37; Yohaana 3:16; 1 Yohaana 4:8, 16; Kuwonekerwa kwa Yohaana 4:11).

**Ruhanga mu Busatu**  
**(“Omwei mu Basatu”)**  
**(Ruhanga Bbaawetu,**  
**Ruhanga Mwana, Ruhanga**  
**Mwozo Mutongoole)**

Heicalaho Ruhanga omwei musa  
 (Kyabiragiro 6:4; 1Bakolinso 8:4),



Kiraganu kya Ruhanga kili nti, bawo bantu beikiririza mu Yesu Kurisito, kandi bakagondera Ruhanga, bakwiza kwomeera biro na biro, (mu hukama hwa mwiguru) (Matayo 7:21; 19:28-30; Marako 9:47; Yohaana 3:14-16,36; 17:2-3; Bikorwa bya Bakwenda 14:22; 1 Bakolinso 6:9-10). Yesu yaatemberiyo, mwa kututeekaniriza kiikaru, twe bamwikirizamwo (Yohaana 14:2-3). Tukwiza kwicala kukwo na Mukama, hawo biro na biro (1 Basosolonika 4:17), Ruhanga tumwewonere husyo ku husyo (Matayo 5:8; Kuwonekerwa kwa Yohaana 22:4). Mwiguru, hwomi hukwiza kubbeera kimwei hwahukanu. Tihakwiza kubba nihacakaloho kukwa, kuganya, kulira rundi hurumi (Kuwonekerwa kwa Yohaana 21:1-4). Iguru liicala kiikaru kya ba mananu basa (2 Peetero 3:13) na kuhuumula (Kuwonekerwa kwa Yohaana 14:13), kiikaru kya kyererezi na kitiinisa kya Ruhanga (Kuwonekerwa kwa Yohaana 21:23; 22:5).

**Kuhombooka kwa bakuu**

Yesu yaahombookiri kuruga mu bakuu (1 Bakolinso 15:3-5). Kandi kuhombooka kwamwe, gili nsonga gimwei gyolokya mulingo gwa Ruhanga yaategekiri kujuna bantu na kulwanisya rufu. Heinyuma gya kukwa, bantu bakwikiririza mu Yesu, bakwiza kuhombooka, batunge hwomi huhyaka (1 Bakolinso 15:12-19). Kuhombooka kwa bantu kutunga hwomi huhyaka, kili kintu kimwei kihandu ha Makuru Garungi gakukwatagana na bigambu bya Kurisito biyaatebereerye bantu (1 Peetero 1:3-5).

kukisemereeri kwikiriza Kurisito nka muhandu waakyo, kandi kikumwegwa, kwokwo yaaty de, mukali kwasemereeri kutamwo ibaawe kitinisa na kumwegwa (Beefeeso 5:22-33).

Kakubba mudulu rundi mukali akwa, Bbaibbuli gitwegesya nti, kili kwahi na nsonga mudulu kwira kutunga mukali wondi atali na mudulu. Kandi de, tikili na nsonga, mukali kwira kutungwa mudulu wondi atali na mukali (Baruumi 7:2-3).

Mukurisitaayo kutunga rundi kutungwa, asemereeri atunge rundi atungwe Mukurisitaayo mwira waamwe (1 Bakolinso 7:39, 2 Bakolinso 6:14-15). Mukurisitaayo tasemereeri kubinga mwira atali Mukurisitaayo kakubba kibba nikikuleeta businge bo kwicala hamwei (1 Bakolinso 7:12-16).

## Iguru

Bbaibbuli gitwegesya nti, iguru liicala kiikaru caali Ruhanga eicala (*Kyabiragiro* 26:15; *Zabbuli* 115:3; Matayo 5:16,34; 6:1,9) na bamalaika baamwe (Matayo 24:36; 28:2). Mwiguru, kwendya kwa Ruhanga hoho kukorwa (Matayo 6:10).



kyonkei kandi, eicala Ruhanga omwei mu bantu basatu. Yesu yeetwa Mwana wa Ruhanga (Ruhanga Mwana), kyonkei kandi tikili kwokwo nka mwana wa ku nsi haha kwatwalwa kubba na babyeru baamwe ba ku nsi. Bbaibbuli bugikoba nti Yesu eicala “Mwana wa Ruhanga” kandi nti Ruhanga ali “Bbaawe”, kimanyisya nti, babiri babwo bakwijanana kandi bakwisana-isana; bakoora hamwei nka muntu omwei (Yohaana 1:29-34; Yohaana 5:16-18; Yohaana 10:31-39). Bwire bwensei babba kintu kyokyo kimwei mu kibakuteekereza na mu kibakukora. Kuruga hansi, Yesu yaalingiho nali hamwei na Bbaawe. Kandi, kwokwo baakahangiri nsi hamwei (Bahebburaniya 1:3,9; Yohaana 1:1-3,14,18; 14:7-11; 17:1-5,24).

Kandi haloho muntu waakasatu akwisanira kimwei Bbaawe kandi de neisanira kimwei Ruhanga Mwana hati byabu byensei nibabikoora hamwei. Muntu waakasatu yogwo, yooyo Mwozo Mutongoole wa Ruhanga. Mwozo Mutongoole wa Ruhanga, yoodede yaalingimwo mu kuhanga nsi (Kubanza 1:2,26). Yesu buyaahombookiri akakubayo hali Bbaawe, Mwozo Mutongoole wa Ruhanga yaatumirwe kwicala mu nsi. Mu mulingo gugu, Yesu yaasoborengi kwicala hamwei na bantu banyakumwikiririzangamwo naraba mu Mwozo Mutongoole wa Ruhanga (Matayo 28:18-20; Yohaana 14:15-17,26; 15:26; 20:22; Bikorwa bya Bakwenda 2:1-4,16-18,32-33; 16:6-7).

Ruhanga eicala yeegebeerwe nka Bbaawetu (Beefeeso 1:2-3; 1 Peetero 1:2). Kandi de eicala yeegebeerwe nka

Mujuni weetu (*Isaaya 63:8-10,16*). Ruhanga eicala Mwozo Mutongoole (*Yohaana 4:24*).

Yesu Kurisito yoodede bamusooboora ho kurungi nka Ruhanga (*Isaaya 9:6; Yohaana 1:1; Bakolosaayi 2:9; Baheburaniya 1:8*) kandi de yeegebeerwe nka Mujuni weetu kandi kwo mali, yooyo munyakutujuna (*Yohaana 4:42; Tito 2:13-14*). Yesu yoolokeerye nka kwali Ruhanga buyaarangiriiri kuganyiranga bibi (*Marako 2:1-12*).

Mwozo Mutongoole wa Ruhanga nayo kizookambe nka kwali Ruhanga (*Bikorwa bya Bakwenda 5:3-4; 1 Bakolinso 3:16; 12:6,11*).

Nahabwakikyo, Ruhanga Bbaawetu, Ruhanga Mwana, na Mwozo Mutongoole wa Ruhanga, bensei bali kintu kyokyo kimwei, kandi de, bensei bali Ruhanga (*Matayo 28:19; 1 Bakolinso 12:4-6; 2 Bakolinso 13:13(14)*).

## Ruhanga Bbaawetu

Bbaibbuli gyegesya nti, babwo bantu ba Ruhanga baajuniri bakusobora kumweta “Bbaawetu” (*Kyabiragiro 32:1-6; Baruumi 8:15-17; 1 Yohaana 3:1*). Bbaawetu wa mwiguru yooyo gitubaza nayo nitukusaba (*Matayo 6:9*). Ruhanga bbaawetu takora nsobi (*Isaaya 64:8*) kandi atugonza hoi (*Isaaya 43:1-6*). Akukiira kimwei babbaawetu/babyeru beetu ba mu nsi gigi (*Isaaya 63:16; 49:14-16*). Bbaawetu wa Mwiguru atwegesya, twe baana baawme, ngesu zirungi



## Kuswerangana

Bbaibbuli gitwegesya nti, kutungangana kwatebeerweho Ruhanga. Nahabwakikyo, kusemereeri kuteebwamwo kitinisa (*Kubanza 1:27-28; 2:22-24*). Mudulu na mukali waamwe tibasemereeri kwahukana nahukyakabba kiikirizihwa kakubba omwei mu bo ahuluka hanzei (*Matayo 5:32; 19:3-9*). Ruhanga anoba batungengeeni kwahukana (*Maraki 2:16*). Bantu balinakulaalangana nibali bamaari kuswerangana hasa. Kulaalangana kwensei kukorwa hanzei wa kuswerangana, mbe kadi kubbe kukuteekerezaho-buteekerezi, kikyo kibba kibi (*Matayo 5:27-28; 1 Bakolinso 7:2, 1 Basolonika 4:3-8*).



Bbaibbuli de gitwegesya nti, mudulu na mukali waamwe basemereeri kugonzangananga kandi batenganengemwo kitinisa. Kili kibi mudulu na mukali waamwe kubinya ndagaanu gya kuswerwa kwa bu (*Maraki 2:13-16; Beefeeso 5:21-33, Bakolosaayi 3:18-19, Baheburaniya 13:4, 1Peetero 3:1-7*).

Mulingo gwa Kurisito agonzeramwo Kitebe kya Bakurisitaayo baamwe, kyokyo kyakuwoneraho kya mulingo gwa mudulu asemereeri kugonzeramwo mukali waamwe. Kandi nka Kitebe kya Bakurisitaayo

(Bikorwa bya Bakwenda 14:23; 15:2,4,6; 20:17,28; Bafilipi 1:1; 1 Timiteo 4:14; 5:17-19; Yakobbo 5:14). Baba bahandu bensei balinakwerabya mu mulingo gwa hwa Ruhanga kandi babbe kyakuwoneraho hali bantu babakwebemera (1 Timiteo 3:1-13; Tito 1:6-9; 1 Peetero 5:1-3).

Bigambu binene bya Ruhanga akoresya kusoboora makuru ga Kitebe kya Bakurisitaayo: Mubiri gwa Kurisito (Bakolosaayi 1:18), bagole ba Kurisito (Beefeeso 5:22-33; Kuwonekerwa kwa Yohaana 19:7-9; 21:2,9), igana lya ntaama za Ruhanga (1 Peetero 5:2-3), ruhuga lutongoole lwa Ruhanga (Kuwonekerwa kwa Yohaana 21:2,27), musiri gwa Ruhanga (1 Bakolinso 3:7-9), nyumba gya Ruhanga (1 Bakolinso 3:9-15), mugwi gwa Ruhanga (Beefeeso 2:19; 1 Timiteo 3:15).

kandi natuterekereerya aleke twege kubba bantu bakugondera biragiyo kandi barungi, batali na bibi (Yoobbu 5:17; Nfumu 3:11-12; 2 Samwiri 7:14-15; Bahebburaniya 12:4-11). Ruhanga Bbaawetu akwendya tumutoolye, tumugonze kandi tumugondere. Ruhanga ali na busobozi bunene hoi kandi yooyo alema huli kimwei kyensei (Zabbuli 62:11; Bikorwa bya Bakwenda 17:24-28; Kuwonekerwa kwa Yohaana 19:1). Ruhanga eicala bba bawo na batagira babbaabaabu ba ku nsi (Zabbuli 68:5-6). Ruhanga ali bba baana, akubagiira kisa, kandi nabagonza (Zabbuli 103:11,13; Isaaya 46:3-4; Luuka 6:36; Yohaana 14:21,23; 16:27; 1 Yohaana 4:14,16).

## Ruhanga

### Mwana

Bbaibbuli gyeta Yesu “Mwana wa Ruhanga”, nikimanyisya nti, Yesu eijanana na Ruhanga (Marako 3:11-12; Yohaana 5:16-18;

10:22-39). Kyonkei Yesu atakabyalwe Ruhanga mu mulingo gumwei nka mwana kwabba nabyalwa babyeru baamwe ba ku nsi. Kandi de, Ruhanga Bbaawetu atakahange Yesu, kyonkei Yesu yeiceeri naloho kuruga hansi (Yohaana 1:1-14). Ruhanga kuhanga nsi, yaarabiri mu Yesu (Yohaana 1:10; Bakolosaayi 1:15-17). Yesu eicala Ruhanga (Yohaana 1:1; Bakolosaayi 2:9; Bahebburaniya 1:8). Yesu yeikiriize



kwiza mu nsi gigi buyaabyaliirwe nka nkerembe, kandi bubwo, nabyalwa muntu buntu. Maliya yaali mma Yesu. Kyonkei, tihaloho muntu wa ku nsi munyakubba bba Yesu. Maliya kwemeta nda gya Yesu, yaatungiri kya mahanu kuraba mu Mwozo Mutongoole wa Ruhanga (Matayo 1:18-25; Luuka 1:26-38). Beitu Maliya atakabbe atungirwe Ruhanga. Nahabwakikyo, Yesu yaali muntu buntu (mwana wa Ruhanga) kandi mu mulingo gwogwo gumwei Yesu eicala Ruhanga (Mwana wa Ruhanga) (*Isaaya 9:6; Banirei 7:13-14; Marako 2:10,28; Luuka 18:31; Yohaana 3:18; 6:27; 14:1,9-11*).

Mwanya gulei hoj Yesu atakabbeeru kubyalwa, Ruhanga yoolokeerye Baraguri baamwe kikyani kinyakubba nikikugyenda kukorwa. Baraguri babwo baasuukuliirwe nti, Ruhanga yaali nakugyenda kusindika Kurisito, kubanza nali nka “Mujuni” wa Bayudaaya, kasi heinyuma, ajune bantu ba nsi gyensei (Matayo 16:16; Yohaana 1:11-12; Bikorwa bya Bakwenda 2:36; 10:34-35,43; Baruumi 1:16). Yesu buyeiziri (ku murundi gwa kubanza), yaadoosereerya bintu binene bya Baraguri baali baraguri bitukusobora kwesomera mu Kiragaanu Kikadei (Luuka 24:25-27,44-49; Bikorwa bya Bakwenda 3:18).

kya Bakurisitaayo (mubiri gwa Bukurisito) kwezahukania (Yohaana 17:20-23; 1 Bakolinso 1:10-13; Bakolosaayi 3:11-15). Nka ba mwa bba muntu, na ba mwa mma muntu mu Kurisito, tukusemeera kugonzangana tutafiiriyo nyahukana mu nzikiriza zeetu za Bukurisito. Mu Kiragaanu Kihyaka, twagya kwahi nzikiriza za Bukurisito zikwahukana. Kyonkei kitwagya, kyokyo Kitebe kimwei kya Bakurisitaayo mu huli rubuga. Kandi Kitebe kikyo, nikyesorooziranga mu migi mikwahukana rundi mu manyumba gakwahukana rundi de hanzei (Bikorwa bya Bakwenda 2:46; 8:1,3; 13:1; 16:13; 19:8-9; 20:17; Baruumi 16:5,23; 1 Bakolinso 1:2).

Kitebe kya Bakurisitaayo, kyenihiziwa kuramya na kuhaariiza Ruhanga, kugonzangana, kukora birungi na kuweera bantu bandi ha bintu bikooto bya Ruhanga akoori (Matayo 5:16; Yohaana 4:23-24; 13:34-35; Beefeeso 1:12; 1 Timiteo 2:8-10; 6:18; Bahebburaniya 10:24; 13:15-16; 1 Peetero 1:22; 2:9; 1 Yohaana 3:23; 4:7-12; Kuwonekerwa kwa Yohaana 19:4-5).

Kurisito yooyo eicala muhandu akusingayo mu Kitebe kya Bakurisitaayo (Beefeeso 2:20; 5:23). Kyonkei, Ruhanga de ali na bahandu bandi ba ku nsi bayaateeriho. Mu Kiragaanu Kihyaka, tuwona batumwa na baraguri ba Ruhanga boobo nibali nka bahandu ba maani ba Kitebe kya Bakurisitaayo (Beefeeso 2:19-20; 3:5). Baheereza/Bakori bandi bahukanu babazwaho boobo: batebezi ba njiri, baliisya, na beegesa (Bikorwa bya Bakwenda 13:1; Beefeeso 4:11; 1 Bakolinso 12:28-31; 1 Timiteo 2:7; 2 Timiteo 1:11; 4:5; Yakobbo 3:1). Mu Kitebe kya Bakurisitaayo ba huli kiro, haabbengiho bahandu/bakuwoneera, na baliisya bato

14:14-15; Beefeeso 6:18; Yuda 20). Kakubba muntu abba nakusaba mu nkobo zikwahukana, akusemeera kukikora mu nsita hatali caali kitebe kya Bakurisiitaayo kyesorozeeri (1 Bakolinso 14:1-19).

Mu Bbaibbuli, halimwo byakuwoneraho binene bya kusaba (*Nehemiya 1:4-11; 1 Bakama 8:22-54; 2 Byabusinge 20:5-12; Matayo 6:5-13; Ngesu za Bakenda 4:24-31; Beefeeso 1:17-21, 3:14-19*).

## Kitebe kya Bakurisiitaayo

Bbaibbuli gitwegesya nti, Kitebe kya Bakurisiitaayo boobo babwo bantu bensei beikiririza mu Yesu nka Mukama kandi Mujuni. Beikiriza ba Yesu bali nka mubiri gwa Kurisito mu nsi deeru lili (1 Bakolinso 12:27-28; Beefeeso 1:22-23). Yesu alema hensei kandi agonza Kitebe kya Bakurisiitaayo baamwe (Matayo 16:18; Bikorwa bya Bakwenda 20:28; Beefeeso 5:23-30; Bakolosaayi 1:18). Yogwo yensei eikiririza mu Yesu, de asemereeri, hamwe na beikiriza ba Yesu beira, kuramyanga Ruhanga bukya-bukya (Baheburaniya 10:25).



Deeru lili, haloho nzikiriza zinene za Bukurisiito, beitu heicalaho mubiri gumweji gusa gwa Bukurisiito (Bagariya 3:27-28; Beefeeso 4:3-4). Ruhanga atakakigyendeere Kitebe

| Mitwe mikukwatagana na Kurisito                            | Binyakuragurwa                | Binyakudwereera                           |
|--|-------------------------------|---|
| Yaabyaliirwe Bbeterehemu                                   | Miika 5:2                     | Matayo 2:1-6                              |
| Yaabyaliirwe mukali munyakubba atakateeranangaho na mudulu | Isaaya 7:14                   | Matayo 1:18-25                            |
| Yeegesyengi mu ngeera                                      | Zabbuli 78:2-4                | Matayo 13:34-35                           |
| Muraguri   | Kyabiragiro 18:15             | Bikorwa bya Bakwenda 3:20-22              |
| Yaasuuliirwe bantu   | Isaaya 53:3                   | Marako 9:12; Luuka 23:13-25; Yohaana 1:11 |
| Munywani waamwe yaamwegeeni                                | Zabbuli 41:9                  | Yohaana 13:18                             |
| Bipolo makumi gasatu bya zaabbu                            | Zakaliya 11:12                | Matayo 26:14-16                           |
| Atakabaze kintu kyenseji hali banyakumujunaananga          | Isaaya 53:7                   | Marako 15:4-5                             |
| Yaakuutiirwe kandi yaahutaazwa                             | Isaaya 53:5                   | Matayo 27:26; 1 Peetero 2:24              |
| Yeezegwengi nyoota ginene hoji                             | Zabbuli 22:15                 | Yohaana 19:28                             |
| Baamutemuuri baamwita                                      | Zakaliya 12:10; Zabbuli 22:16 | Yohaana 19:34,37; Yohaana 20:25,27        |
| Bilwalu byamwe baabibageeni                                | Zabbuli 22:18                 | Yohaana 19:23-24                          |

|                                  |                                |   |
|----------------------------------|--------------------------------|---|
| Hatakabbeho ikuha linyakubenyeka | Zabbuli 34:20                  | Yohaana 19:32-33,36                       |
| Yaahombookiri kuruga mu bakuu    | Zabbuli 16:10<br>Zabbuli 49:15 | Luuuka 24:1-7,36-44<br>1 Bakolinso 15:4-7 |

Yesu yeegeseerye Makuru Garungi gakukwatagana na mulingo gwa Ruhanga akusobora kujuna bantu. Yesu yaakoori bya mahanu binene bikugumya kwo mali nka kuyaali Mwana wa Ruhanga. Yaaganyiiri bibi. Yaahoneerye beijalu ba meiso, beijalu ba mapokopo na balima. Yaabingiri mizumu kuruga mu bantu bamyalingi mitembiri. Yoolokeerye busobozi bwamwe nka kubukukira buhangwa bwa nsi (kyakuwoneraho hali mpehu neitaka). Yaahomboori na bakuu (Matayo 9:2-8; 20:29-34, Marako 1:22-34; 4:37-41; Yohaana 5:1-19; 9:1-34; 10:36-38; 11:1-46; 14:6-11; 20:30-31).

Yesu Kurisito yaakoori bintu binene birungi kandi yooyo musa mu bantu bakeiceeri ku nsi gigi munyakubba murungi kandi ataakoori kibi kyensei (Bikorwa bya Bakwenda 3:14; 2 Bakolinso 5:21; Bahebburaniya 4:14-15; 7:26-27; 1 Peetero 2:21-22; 1 Yohaana 3:5).

Bahandu ba diini beitisiirye Yesu ha musalaba. Ruhanga yeikirize kiki kwokwo kibbe habwakubba kwokwo yati gyalingi ntegeka gyamwe kujuna bantu (Yohaana 10:11; Bikorwa bya Bakwenda 2:23; 4:27-28). Yesu yaakwiri nka kihongwa aleke Ruhanga asobore kutuganyira bibi byetu (1 Yohaana 2:2). Kadei bwodi, Bayudaaya baasalengi byonzera bya baana ba ntaama. Nahabwakikyo, Yesu yaali nka mwana gwa ntaama habwakubba yaasaliirwe nka

kandi alimukutusabira (Yohaana 17; Baruumi 8:34; Bahebburaniya 7:25).

Mwozo wa Ruhanga akoonyera Bakurisitaayo kusaba kandi de natusabira (Baruumi 8:26-27; Beefeeso 6:18).

Twakabba nitukwendya Ruhanga atwegwe, tukusemeera kusaba na mutima gusyanu (Zabbuli 66:18-20; 1 Peetero 3:7). Ruhanga eiramwo kwahi kusaba kwa kasorooro (Yakobbo 4:2-3). Kandi teiramwo kusaba kwa babwo bantu batananukira busobozi bwamwe na kwendya kwamwe mu kubeiramwo kusaba kwa bu (Yakobbo 1:5-8; Marako 11:22-24). Kakubba mudulu abba atakutamwo mukali waamwe kitinisa, kusaba kwamwe kukwiza kubba kuingize (1Peetero 3:7). Ruhanga yeegwa kusaba kwa bantu babundaaru kandi beeziramwo bibi byabu (Luuuka 23:39-43; 18:9-14; Yakobbo 4:6).

Tusemereeri kusabanga nituli babundaaru, mu nsita, kandi hatali ndanda (Matayo 6:5-13). Tusemereeri de kusabiranga hamwe na barokole beira beetu (Matayo 18:20; Bikorwa bya Bakwenda 1:13-14; 16:13) kandi de nka mugi (Bikorwa bya Bakwenda 21:5). Tusemereeri kusabirangananga (Yakobbo 5:14-18).

Bbaibbuli gitwegesya nti, okusobora kusaba weemereeri (Nehemiya 9:5; Kubanza 24:12-13; Marako 11:25), obyokeye mikono hakyendi (1 Timeseeo 2:8), okundiri malu (Ezira 9:5; Beefeeso 3:14-17), otulukiri busyo hansi (Kuruga 34:8-9), oicaliiri (1 Byabusinge 17:16ff), oleeri meejuumuko (Matayo 26:39). Muntu akusobora kusaba mu bitekerezo na mu mwozo (Baruumi 8:26-27; 1 Bakolinso



kugweitiirwe, neibbanga lyamwe lyaluwa mwa kutusasulira ibanza lya bibi byetu. Tudy a mugaati kandi nitunywa viino mwa kwizuka kyokyo (Matayo 26:26-28, Luuka 22:19-20, 1 Bakolinso 10:15-17). Bakurisitaaty balinakukora mukoro gugu, kudoosya mpaka Yesu bwaliira (1 Bakolinso 11:23-26). Kukora mukoro gugu, Mukurisitaayo alinakwecumitiriza yo yankei kugumya nti, kwo mali akugukora habwa nsonga gidoori (1 Bakolinso 11:27-34).

## Kusaba

Bbaibbuli gitwegesya nti, Ruhanga yeetegeerya bantu bamusaba, kakubba bamusaba mwibara lya Yesu (Yohaana 14:12-14; 15:16; Yakobbo 5:14). Kusaba mwibara lya Yesu kimanyisya, kusaba mu mulingo gwa Yesu yaakubbeer i asabiri, rundi, kusaba mu mulingo gwa Yesu yaatuweereeri tusabenge (Matayo 18:19-20). Kandi de kimanyisya nti, twesige Yesu nka muntu munyakutukingulira muhanda gukututwala hali Ruhanga – Bbaawetu (Yohaana 16:24). Tusemereeri kusaba bityo bintu bisa binyakuloho kusigikira ku kwendya kwa Ruhanga, bya Ruhanga akwendya, kandi bikwiza kuha bantu kuhariiza Ruhanga (1 Yohaana 5:14-15). Tusemereeri tusabenge Ruhanga kandi nitumusiima huli bwire (Beefeeso 6:18; Bafilipi 4:6; 1 Basolonika 5:16-18).

Yohaana 17 yaahandiikiri kumwei ha kusaba kwa Yesu. Yesu hataati eicaliiri ku mukono gwa budy gwa Ruhanga



kyonzera kya kututoolaho bibi byetu (Yohaana 1:29; Bahebburaniya 9:28). Yesu yaajwatiirwe njunju kandi yaakoomeerwa ku musalaba caali yaakwereeri. Yesu buyaakwiri, yaaziikwa. Kyonkei ha kiro kyakasatu, Ruhanga yaamuhomboori, yaamukuubyayo mwiguru (Luuka 22:63-24:53).

Yesu buyaakubiriyo mwiguru, yeicaliiri ku mukono gwa Ruhanga gwa budy (Bahebburaniya 1:3). Hati eicala natusabira hali Bbaawe (Baruumi 8:34; 1 Yohaana 2:1). Yesu akwiza kwicala mwiguru mpaka kudoosya kiro kyalyentangiramwo mu nsi kya Bbaawe yaamucwereerimwo (Bikorwa bya Bakwenda 1:10-11; 3:20-21). Kiro kimwei, Yesu akwiza kucwera musangu bantu bensei ba mu nsi gigi (Yohaana 5:22,27-30; Bikorwa bya Bakwenda 10:42; 17:30-31).

## Mwozo Mutongoole wa Ruhanga

Kuruga hansi Mwozo wa Ruhanga eicalaho kandi yaali omwei mu bantu banyakuhanga nsi gigi (Kubanza 1:1-2; Zabbuli 104:30). Mwozo wa Ruhanga abaza na bantu (Bikorwa bya Bakwenda 8:29; 11:27-28; 13:2; 21:9-11). Mwozo wa Ruhanga yeekambisya bantu, nabaweera kidoori na kitadoori, nabakoonyera kwetegereza mananu ga Ruhanga kandi nabaterekereerya caali



basemereeri kugyenda na kyani kibakusemeera kukora (Yohaana 16:7-8,13; Bikorwa bya Bakwenda 16:6-7). Mwozo wa Ruhanga asaairwa hoj hutukora bibi rundi hututagondera Ruhanga (Beefeeso 4:30). Ruhanga aha bantu Mwozo Waamwe Mutongoole nka kawonero kakwolokya nti bali bantu baamwe. Agaba Mwozo Waamwe Mutongoole nka kintu kyakutandikisya kya mugisa gwensej gwizulu gwa bantu ba Ruhanga balitunga hubalibba bajuniriirwe kimwej (Beefeeso 1:13-14).

Bbaibbuli gitwegesya nti, Ruhanga akooora mu Kigambu kyamwe naraba mu Mwozo Waamwe Mutongoole (Isaaya 63:7-14). Mu Kiragaanu Kikadei, Mwozo wa Ruhanga baamutweri nka kubaho kwa Ruhanga (Zabbuli 139:7). Mu Kiragaanu Kikadei, Mwozo wa Kurisito (Mwozo wa Ruhanga) yaabaziriho kadei kuraba mu Baraguri (1 Peetero 1:10-11). Mwozo wa Ruhanga aleeta husobozi bwa Ruhanga hali bantu (Luuka 1:35; 4:14; 24:49; Bikorwa bya Bakwenda 1:8; 10:38; Baruumi 15:19).

Yesu buyaali atakabbeeru kutandika mulimo gwamwe gwa kwegesya, kuhonja baseeri na kubinga mizumu, Mwozo wa Ruhanga yaamusirimukiriho mu kuisana kwa kolome (Luuka 3:22-23). Mwozo wa Ruhanga yaamuha husobozi bwa kukora mulimo gwamwe nali mu nsi gigi (Luuka 4:14-19) na kukora bya mahanu (Matayo 12:28; Bikorwa bya Bakwenda 10:38). Yesu yaaweereeri beegeswa baamwe beicale balindiri kandi nibasaba kudoosya mpaka batungiri maani kuruga hali Mwozo wa Ruhanga (Luuka 24:49; Bikorwa bya Bakwenda 1:4-8; 2:1-4). Mwozo wa Ruhanga buyaabezirihho, baatungiri maani ga kutebya njiri

2:38,41; 8:36-38; 9:18; 10:47-48; 16:14-15,31-33; 18:8; 19:4-5; 22:16).

Kubatizwa gibba ntandiko gya kwingira mu kika kya Bukurisito. Kika kiki, gyogyo kanisa. Kandi kubatizwa, kwokwo kuziika bikorwa byamu bikadei, okahombooka, okeira mu bwomi huhyaka (Baruumi 6:1-4; 1 Bakolinso 12:12-13; Bagaratiya 3:27; 1 Peetero 3:21).

Kubatiza mwibara lya Mwozo wa Ruhanga kwakoleerwe Yesu heinyuma gya kuhombooka kwamwe (Matayo 3:11; Marako 1:8; Luuka 3:16; Yohaana 1:33; Bikorwa bya Bakwenda 1:5; 2:1-21; 8:15-22; 10:44-47; 11:15-18; 19:1-6).

## **Kwira ha meeza gitongoole (Mukoro gwa kwizuka kukwa kwa Yesu)**

Twe Bakurisitaayo, hutwingira mu mukoro gugu, twizuka, na kusiiima kunene, kuganyirwa kwa bibi byetu. Kuganyirwa kuku kwali habwakubba, Yesu yaatukwereeri. Kandi titukwiza kukwa, nka kifubiro kyetu kukyakubbeeru. Yesu yaaweereeri beegeswa baamwe beizukenge kiragaanu kihyaka, na kukwa kwamwe, nibaraba mu kudya kiihuru kiki (kukora mukoro gugu). Bakurisitaayo bakora mukoro gugu, habwa kwizuka nti, Yesu yaabakwereeri nka kihongwa. Gwicala mulingo gukwolokya nti, tukinanukirambe mubiri gwa Yesu nka



birungi bisa, mu kiikaru kya kukora bibi (Beefeeso 4:17-29; Bahebburaniya 12:28-13:18).

## Kubatiza

Deeru lili, haloho  
nzikiriza zinene  
zikwahukana  
zikukwatagana na  
kubatiza hakati wa  
Bakurisitaayo mu



nzikiriza zaabu zikwahukana. Mu Kiragaanu Kihyaka, tusoma ha kubatiza kwa Yohaana - Mubatizi, kuyaakoleeri mu meezi (Matayo 3:6). Yohaana yaabatiize bantu kwolokya babwo bantu nka kubaalingi beeziririmwo bibi byabu (Matayo 3:7-11; Marako 1:4-5; Luuka 7:29-30; Bikorwa bya Bakwenda 19:4). Yesu kumubatiza mu meezi, kitakabbe nti, kyetaagisyengi yeeziremwo bibi, kyonkei kyalingi kintu kiserereeri kukorwa (Matayo 3:13-17).

Yesu yaaragiiri beegeswa baamwe kubatiza bantu bajuniirwe bahyaka (Matayo 28:19; Marako 16:16; Bikorwa bya Bakwenda 8:12-13). Yesu yo yankei, atakabatize bantu banyakuhonderanga nzegeesya gyamwe, kyonkei banyakubbanga bamuhondeeri kubanza baabatizengi babwo beiziri inyuma lyabu (Yohaana 4:2). Muntu kubatizwa, kyolokya nti, Ruhanga amuganyiiri bibi byamwe, kandi kukorwa mwibara lya Ruhanga (Ruhanga - Bbaawetu, Ruhanga - Mwana, Ruhanga - Mwozo Mutongoole) (Matayo 28:19; Bikorwa bya Bakwenda

na kukora bya mahanu (Bikorwa bya Bakwenda 4:31; Bahebburaniya 2:4).

Muntu Mukurisitaayo bwabba nakwikiririza mu Yesu kurisito, Mwozo wa Ruhanga akoonyera mwozo gwa yogwo muntu kubyalwamwo buhyaka. Hati, yogwo muntu niyeetwa murokole (Yohaana 3:3-7; Tito 3:5). Kiki nikimanyisya nti, Mukurisitaayo abba na Mwozo wa Ruhanga muliyo kandi abba muntu wa Ruhanga (Baruumi 8:9). Mwozo wa Ruhanga yooyo amwebemberanga, namuterekereerya kandi namwegesya (Yohaana 14:26; Yohaana 16:13; Baruumi 8:14). Kandi de, Mwozo wa Ruhanga yooyo amukoonyeranga kwehala birungi bya nsi (Baruumi 8:13; Bagaratiya 5:16-18).

Mukurisitaayo bwabba nakulibatira mu Mwozo wa Ruhanga, kiki kyezolokya mu bikorwa byamwe na mu mulingo gwabba nakwerabiiryamwo mu bwomi bwamwe (Bagaratiya 5:22-25; Beefeeso 5:18-21). Mwozo wa Ruhanga akoonyera Bakurisitaayo mu kusaba kandi de nabasabira (Baruumi 8:26-27; Beefeeso 6:18; Yuda 20-21). Bwire bwensei, Mwozo wa Ruhanga eicala naha Yesu kitiinisa (Yohaana 16:14). Bakurisitaayo basemereeri kwahi kuhakanisya kukora kwa Mwozo wa Ruhanga (1 Basesolanika 5:19-21).


Mwozo wa Ruhanga aha Bantu beikiririza mu Yesu Kurisito bisembu bikwahukana. Twenihizibwa kukoresya bisembu bibyo, kukoonyera beira beetu nabo kuhanda mu bwomi bwabu bwa Bukurisitaayo. Na kukoonyera babwo batakeikirizanga Yesu Kurisito kubba Mujuni waabu,

kutunga Kuwonekerwa kwa Yohaana (Baruumi 12:6-8; 1 Bakolinso 12:4-31 na suura 13 na 14). Kandi Mwozo wa Ruhanga de, aha bantu bakwahukana milimo rundi buheereza bukwahukana aleke basobore kukoonyera babwo bantu beikiririza mu Yesu, kutatiiryangananga mu kwikiriza kwa bu, mu bumwei, na mu kugonza kwa bu (Beefeeso 4:11-16).

## Bbaibbuli (Byahandiikiirwe bya Ruhanga)

Biicala bihandiikiirwe mu Bbaibbuli biruga hali Ruhanga kandi biicala bya mugasu habwa kwegesya mananu, kucoomera nsobi, kuterekereerya bitadoori, na kutuha biragiro bya kwicala kurungi (2 Timiteo 3:14-17; 1 Basesolanika 2:13; 2 Peetero 1:19-21). Kigambu kya Ruhanga kikwiza kwicala nikiloho habwa biro na biro (Isaaya 40:8; Matayo 24:35). Kigambu kya Ruhanga kiicala na maani ganene hoj. Kyolokya hasyanu mananu ga bantu na bibateekereza (Yeremiya 23:29; Bahebburaniya 4:12).

Nigali mananu, bantu titukusobora kwicala tutali na Kigambu kya Ruhanga (Kyabiragiro 8:3; Matayo 4:4). Bantu bateikiririza mu Kigambu kya Ruhanga, babba bejjalu mu bya Mwozo wa Ruhanga kandi Sitaani abba nakubagobya aleke batasobora kwetegereza Makuru Garungi ga Yesu Kurisito (1 Bakolinso 2:7-10, 2 Bakolinso 3:14-16; 4:3-4). Bantu Bbaibbuli gikira kubalema kugyetegereza hubabba



mu kugondera biragiro, kwegesebwa, na kubba na ngesu zirungi mu bantu (1 Bakolinso 9:24-27; 1 Basesolonika 4:1-8; 1 Timiteo 4:7-8; 2 Timiteo 2:19-25; 2 Peetero 3:14; 1 Yohaana 3:1-3). Ruhanga, habwa mbabazi zaamwe, na mu kugonza kwamwe, atukugambe/atufubirambe mwa kutukoonyera kwegu mulingo kyani gutukusobora kwicala tutali na kaku kensei aleke tubbe batongoole (Tito 2:11-14).

Nkoragana gyetu na Bbaawetu, Ruhanga, giicala kwahi habwa kutiina atatufubira rundi kutiina kiniga kyamwe, kyonkei habwa ngonzi zaamwe ku twe (Baruumi 8:15; 1 Yohaana 4:17-18). Kyonkei kandi de, tikimanyisya nti, bugabe hutubba nabwo mu Kurisito, hubba hwa kukora bibi rundi hwa hutakugwa/hutafubirwa kakubba tukora bibi (Bagaratiya 5:13; 1 Timiteo 5:20; Bahebburaniya 12:1-17). Tuli neibanza hali Ruhanga habwa bibyo byensei bitukukora (Baruumi 14:10-12).

Bututamwo Ruhanga kitiinisa rundi hutumutiina, tukamutwala kubba nka Ruhanga Mutongoole, kandi na Yesu tukamutwala kubba nka Mukama wetu, kitukoonyera hutakora bibi (Nfumu 8:13; 16:6; 2 Bakolinso 7:1; 1 Peetero 1:17-19; 3:15-16).

Muntu eikiririza mu Yesu Kurisito, kwikiriza kwamwe akwolokya naraba mu kugondera biragiro. Agonza huli muntu. Banyanzigwa baamwe, mu kiikaru kya kubanoba, yo abagonza-hugonzi (Matayo 5:43-44; Luuka 6:27). Kandi bantu bamukola kubiibi abaganyirambe, mu kiikaru kya kuhoora nzigo (Baruumi 12:17-21; Beefeeso 4:31-32). Habwa kusiima Ruhanga habwa mbabazi zaamwe, akora

bantu batongoole ba Ruhanga (makuru gaakyo, abba atongoolwe kuruga mu bibi, dongi nakwetwa Mutongoole wa Ruhanga) (Bikorwa bya Bakwenda 26:18; Baruumi 1:7; 1 Bakolinso 1:2; 6:9-11; 2 Basosolonika 2:13; Bahebburaniya 10:10,14; 13:12; 1 Peetero 1:2). Muntu ajuniirwe nka kwakabba omweji mu bantu batongoole ba Ruhanga, bwomi bwamwe hukusemeera kuzookesya kutongoolwa kukwo (Bakolosaaayi 2:20-3:17; 1 Basosolonika 2:10-12; 1 Peetero 1:14-16; 2:9-12). Nyeetwala gwamwe mu bantu gikusemeera kubba gikwahukana na gya bantu bandi benseji ba mu nsi gigi (Yohaana 17:15-16; 2 Bakolinso 6:14-18).

Muntu bwajunwa, Mwozo wa Ruhanga amubyalamwo buhyaka, namusobokesya kukora birungi bisa, kandi, nakusuula kikali kibi (2 Bakolinso 5:17; Tito 3:4-5; 1 Peetero 2:24). Mwozo wa Ruhanga eicalanga mu yogwo muntu, namukoonyeranga kusuula bikorwa byamwe bikadei, na birungi bya nsi gigi, kyonkei kugonderanga bya Ruhanga yendya (Baruumi 6:6-22; 7:4-6; 8:5-15; Bagaratiya 5:16-25).

Mwozo wa Ruhanga nka kwatukoonyera kuhindula nteekereza gyetu, na kutwizuuyamwo buhyaka mananu mu ntekereza gyetu, kwokwo de akusobora kutukoonyera kubba bantu bakugondera biragiho, mwa bwomi bwetu kubba hutongoole (Isaaya 55:6-7; Baruumi 12:1-2; 2 Bakolinso 10:3-5). Nakoonyerwa Mwozo wa Ruhanga, huli muntu munyakujunwa, ali na bujunaanizibwa bwa kuwona nti, nacakali mu nsi gigi, mubiri gwamwe na bitekerezo byamwe tibibbeerj na kaku kenseji. Bibi akubikora naraba

batatungiri akugibasoboora kurungi rundi batakoonyeerwe Mwozo wa Ruhanga kugyetegereza (Matayo 22:29; Luuka 24:27,45; Bikorwa bya Bakwenda 17:2-4, 1 Bakolinso 2:7-16). Beegesa ba bugobya banene bahindula mananu ga Kigambu kya Ruhanga nibageirya kubba kintu kindi kyahukanu kandi kiguu (Yeremiya 23:23-40; Matayo 7:15; Bagaratiya 1:6-9). Beegesa ba mulingo gugu, balimukwelimira muhanda gukubatwala mu kuhwerekeera (Ezeekyeri 13: 1-23; Yeremiya 14:14-15; 2 Peetero 3:16). Tukwetaaga kwicala nituhanda mu kwegu mananu ga Kigambu, kwicala nitukyekebeija, nitukyegesya mu budoori, kandi nitukibagana na bantu bandi (Zabbuli 1:1-3; Nfumumu 8:10; Yosuuha 1:8; Yohaana 17:17; Bikorwa bya Bakwenda 17:11; 2 Timiteo 2:15).

*Kigambu kya Ruhanga kitwiryamwo maani kandi nikituhabura (Zabbuli 119:24). Kukwata Kigambu kya Ruhanga mu bwongu, kukyega na kukigondera kitukoonyera butakora bibi rundi butahemuka (Zabbuli 119:6,11,31,46,80,116). Kigambu kya Ruhanga kituha maani kandi nikitutatiirya (Zabbuli 119:28,50). Kwegu Kigambu kya Ruhanga na kukigondera kiha bantu ba ku lulengu lwa hansi kandi kubba bagezi nakukiraho beegesa na bantu bahandu (Zabbuli 119:98-100; 19:7,8). Kigambu kya Ruhanga kiicala kyererezi kituterekereerya (Zabbuli 119:105; Nfumumu 6:23). Kigambu kya Ruhanga kiicala kirungi kukira huguuda kandi kinwereerya kukira manyondo ga buhooki (Zabbuli 19:8-10).*

Bbaibbuli giicala na biragaanu bibiri: Kiragaanu Kikadei na Kiragaanu Kihyaka.

Kiragaanu Kikadei kituweera Ruhanga nka kuyaahangiri nsi, kandi nka kuyaakomirimwo Bayudaaya kubba bantu baamwe. Kiicalamwo biragiwo bya Ruhanga biyaaheeri bantu baamwe naraba mu Musa. Bimweji ku bitabbu bya mu Kiragaanu Kikadei, bituweera kikyani kya Ruhanga ali na kikyani kya bantu bali. Bitabbu biyoby bituweera yatyo nibiraba mu byafaayo bya Bayudaaya na bihanuuro binene bikukwatagana nabo na mulingo gubaateerangimwo na bantu bandi ba mu nsi gyenseji. Kandi de halimwo bitabbu bya magezi na bikuragura. Kumweji ha kuragura kuku kwali kukukwatagana na Yesu na bikyani binyakubba nibikugyenda kubba heinyuma. Kiragaanu Kikadei kitwolokya kwo mali bantu nka kubeetaaga Mujuni na Baraguri nka kubaaraguri nti, Ruhanga yaali nakugyenda kutuma Mujuni. Mujuni munyakwenihizibwanga yogwo, yooyo munyakwetwa Kurisito.

Kiragaanu Kihyaka kibaza ku Yesu Kurisito, Mwana wa Ruhanga, munyakubazwaho mu Kiragaanu Kikadei, kandi munyakwiza mu nsi kubba Mujuni weetu. Kiragaanu Kihyaka kituweera bikweyongeraho binene bikukwatagana na Ruhanga. Kandi de, nkituweera mulingo gwa Mwozo wa Ruhanga yaakonyeerji maramizo gaakubanza, na mulingo gwa Ruhanga yendya bantu twicaliremwo. Kandi kindi, Bbaibbuli gituweera kyani kilibbaho tumaari kukwa.

Mutwe guhandu mu Bbaibbuli gyenseji eicala Yesu Kurisito, bantu nka kutumwetaaga, kandi, nka kwali yooyo musa akusobora kutujuna.

Yogwo muntu nabuyaakabba yaalingi munyanzigwa wa Ruhanga, Yesu amufoora munywani waamwe (Baruumi 5:10-11; Bakolosaayi 1:21-22).

Nabuyaakabba yaalingi nka mwizeji, Yesu amufoora kubba munywani wa Ruhanga, mwana mu Bukama bwa Ruhanga, kandi, mugwetwa wa Ruhanga (Yohaana 1:12; Baruumi 8:16-17; Bagaratiya 3:26; 4:6-7; Beefeeso 2:19; Bakolosaayi 1:21-22).

Yesu atoola yogwo muntu kuruga mu ntiti namwirya hakuweza (Yohaana 3:20-21; 12:44-46; Bikorwa bya Bakwenda 26:18; 2 Bakolinso 4:6; Bakolosaayi 1:13; 1 Peetero 2:9)

Kwakubbeerji kukwa na kuzindwa hali yogwo muntu, Yesu abifoora bwomi na kuhombooka (Yohaana 11:25-26; 20:31; Baruumi 5:17-18, 21; 6:23; 8:1-2; 1 Bakolinso 15:20-22; 1 Yohaana 5:13)

Yogwo muntu mwozo gwamwe nabugwakabba gwalingi gukwiri, Yesu agufoora gwomi (Yohaana 3:3-8; Beefeeso 2:1-5; Bakolosaayi 2:13; 1 Peetero 3:18)

**Kutongoolwa (kutoolwa mu bibi; okabba musyanu mu bikorwa kandi bwomi bwamu bukabba busyanu)**



Muntu bweikiririza mu Yesu, akajunwa, Ruhanga amuganyira bibi byamwe, namusyanja kandi namufoora kubba muntu mutongoole aleke yoodede abbe omweji mu

Nahaḅwakikyo, Yesu yaabbeerī kihongwa kya Ruhanga haḅwa kutusaulira ibanza lya bibi byetu (Baruumi 5:8-9). Gigi gyogyo gyalingi ntegeka gya Ruhanga kutujuna (1 Basosolonika 5:9). Kyonkei, Ruhanga ajuna baḅwo bantu (kuruga hali kiniga/kifubiro kyamwe) beeziramwo bibi byaḅu basa kandi nibeikiririza mu Yesu Kurisito (Yohaana 3:36; 5:24; Bikorwa bya Bakwenda 3:19; 17:30-31; 20:21; Baruumi 10:9-10).

Yogwo yensei eikiririza mu Yesu alyomeera biro na biro (Yohaana 3:16; Bikorwa bya Bakwenda 10:43). Kyonkei yogwo atananuka nti, Yesu yaahongerwe haḅwa bibi byetu, Ruhanga alimuhwerekereerya aleke yogwo muntu, ibanza lya bibi byamwe, alyesasulire yankei (Yohaana 3:18; Beefeeso 2:1-3; Kuwonekerwa kwa Yohaana 6:16-17).

Muntu ḅweikiririza mu Yesu Kurisito, abyalwamwo ḅuhyaka, niyeetwa mwana wa Ruhanga (Yohaana 1:12-13; 1 Peetero 1:23; 1 Yohaana 3:1-3). Kandi, Ruhanga atwala yogwo muntu kubba muterekereeru kandi atali na kibi kyensei (Baruumi 3:23-26; 4:22-25; 5:17-19; 8:33; 10:8-10; Bafilipi 3:8-9).

Muntu ḅweikiririza mu Yesu, akajunwa, habbaho bintu binene bya Yesu ahindula mu ḅwomi ḅwa yogwo muntu.

Yeetweka kiniga kya Ruhanga haḅwa yogwo muntu aleke muntu yogwo asobore kutunga mbabazi/ngonzi za Ruhanga (Yohaana 3:36; Baruumi 5:9; Beefeeso 2:3-5; 1 Basosolonika 1:10; 5:9; 1 Peetero 2:10).

## Bantu

Bbaibbuli gitwegesya nti, Ruhanga yaahangiri bantu babbe nka yo (Kubanza 1:26-27). Ruhanga yaatuhangiri, twe bantu, aleke tumugonze kandi tumuramyetumutemwo kitiinisa/tumukundire malu (Kuwonekerwa kwa Yohaana 4:11). Beitu Adamu n'Eeva, bantu baakubanza, baajeemeeri Ruhanga. Nahaḅwakikyo, bantu bensei babyaliirwe heinyuma wa Adamu n'Eeva, nabo bajeemeeri Ruhanga kandi bakoori bibi binene (Kubanza 3:1-6; Baruumi 3:23; 5:12).

Baḅwo bensei batakeikirizanga Yesu kubba Mujuni waḅu, beicala nka banyanzigwa ba Ruhanga (Baruumi 8:7; Yakobbo 4:4). Kyonkei naḅubali yatyo, Ruhanga atugonza twensei kandi yendya natwedede tumugonzenge kandi tugonzenganenge (Matayo 22:37-39; Yohaana 3:16; 13:34-35; Baruumi 12:10; 13:8-10; Bagaratiya 5:13-15). Ruhanga akwendya bantu bensei beege kandi beikirize mananu mwomwo aleke bajunwe kandi babbe ba ḅugabe (1Timiteo 2:3-4; 2 Peetero 3:9).

## Kibi

Bbaibbuli gitwegesya nti, bantu bensei baakooriho bibi. Haḅwakubba, twensei twicala ba lula lwa Adamu n'Eeva banyakukora kibi hali Ruhanga (Zabbuli 14:1-3; Baruumi 3:9-12,23; 5:12). Kukora kibi, kimanyisya kujeemera Ruhanga. Yogwo yensei akoba nti, yo tagira kibi kyensei rundi tasobya, yogwo muntu ali mugobya (1 Yohaana 1:8). Bantu baakabba bateeziririmwo bibi byaḅu bakeira hali

Ruhanga, bakwiza kwetegereza kiniga/kifubiro kya Ruhanga (Bakolosaayi 3:5-6; Baruumi 1:18; Bikorwa bya Bakwenda 17:30-31). Kyonkei bawo batungiri kuganyira kwa Ruhanga kuraba mu kukwa kwa Yesu, bakwiza kubba bajuniirwe kiniga kya Ruhanga kandi tibakwiza kufubirwa (Yohaana 3:36; Baruumi 5:8-9). Kifubiro kya kibi, kyokyo kwahukana na Ruhanga na kukwa (Kubanza 2:17; Marako 15:34; Baruumi 5:12; 6:16,23).


Bawo bensei beikiririza mu Yesu Kurisito bakuheebwa magezi kulekira hahwo kwicala mu bwomi bwa kukora bibi (Marako 9:43; Baruumi 6:1-23; 1 Bakolinso 6:18; 8:12; 15:33-34; 1 Timiteo 5:20; Bahebburaniya 12:1). Mwozo wa



Ruhanga asaairwa hoj bantu beikiririza mu Yesu bubakora bibi (Beefeeso 4:30). Kakubba twezagya nituli tugwiri mu kibi kindi kyensei, tusemereeri bwangu-bwangu kusaba kiganyiro (1 Yohaana 1:9; 2:1-2) kandi beira beetu beikiririza mu Yesu bakusobora kutukoonyera nibatwiriyaho ku kwikiriza kwetu (Bagaratiya 6:1).

## Kujunwa

Bbaibbuli gitwegesya nti, tihaloho kintu kya twe bantu kitukusobora kukora kwejuna. Ruhanga musa yooyo akusobora kutujuna, kandi akikora habwakubba atugonzambe (Yohaana 3:16). Tigubba musaara Ruhanga kutujuna, kyonkei, kibba kisenbu kya kukora birungi (Baruumi 3:24; Beefeeso 2:7-9, Tito 3:4-5).



Bbaibbuli gitwegesya nti, bantu bakora bibi, bakafula kweziramwo, bakwiza kwetegereza kiniga/kifubiro kya Ruhanga (Bakolosaayi 3:5-6; Baruumi 1:18). Ruhanga yendya kwahi kutufubira, kyonkei, anoba kibi. Nahabwakikyo, Ruhanga yaatuteereeriho muhanda gwa kujunwa. Ruhanga yaatumiri Mwana Waamwe mu nsi, akwe ku musalaba nka kihongwa (Baruumi 3:25; 5:6-10). Ruhanga yaafubiri Yesu Kurisito, Mwana Waamwe woonyini, habwa bibi byetu. Yesu yaakwiri mu kiikaru kyetu aleke tusobore kusigala tutali na kibi kyensei hali Ruhanga (2 Bakolinso 5:21). Kikyo Yesu yendeerye kukikora habwakubba atugonza hoj. Yesu kukwa ha musalaba, kyamwahukaniirye na Bbaawe, Ruhanga (Matayo 27:46). Kikyo kyokyo kyalingi kintu kibi mu bintu byensei binyakubba hali Yesu buyaali nali mu nsi gigi.